

INFORMACIJA O AKTIVNOSTIMA OPĆINSKE IZBORNE KOMISIJE NOVO SARAJEVO

Dana 14. marta 2024. godine Općinska izborna komisija Novo Sarajevo je održala **24. redovnu sjednicu** na kojoj je u skladu sa aktom CIK BiH broj: 0610711541/24 izvršila provjeru brojnosti i ispravnost štambilja koji se koriste za označavanje glasačkih listića, te s tim u vezi dostavila informaciju CIK BiH. Izborna komisija je započela sa definisanjem kriterija i procedura za izbor sekretara OIK. Na sjednici je pročitana pismena ostavka Srdić Srdana na mjesto člana savjeta MZ Kovačići, te je u kontekstu ove okolnosti Komisija za izbor, imenovanje i javna priznanja uputila OIK-u Poziv i pripadajući materijal za prisustvo 102. sjednici, a istoj je prisustvovala članica OIK, Jasna Nikšić.

Dana 4. aprila 2024. godine Općinska izborna komisija Novo Sarajevo je održala **25. redovnu korespondentnu sjednicu** na kojoj je jednoglasno usvojila sljedeće akte:

- **Izveštaj o radu OIK Novo Sarajevo za mjesec mart 2024. godine;**
- **Odluku o utvrđivanju kvalifikacija, proceduri imenovanja i razrješenja sekretara Općinske izborne komisije Novo Sarajevo;**
- **Odluku o objavljivanju internog oglasa za imenovanje sekretara Općinske izborne komisije Novo Sarajevo;**
- **Tekst internog poziva za izbor sekretara Općinske izborne komisije Novo Sarajevo.**
-

Dana 24. aprila 2024. godine Općinska izborna komisija Novo Sarajevo je održala **26. redovnu sjednicu** na kojoj je, prema planu aktivnosti vezanih za izbor sekretara Općinske izborne komisije Novo Sarajevo, izvršeno otvaranje zaprimljenih prijava podnesenih na osnovu Internog poziva za izbor sekretara. Nakon što je obavljen uvid u prijave i dostavljenu dokumentaciju konstatovano je da su obje dostavljene prijave potpune i blagovremene. Članovi Izborne komisije su izvršili bodovanje prijavljenih kandidata u skladu sa Odlukom o utvrđivanju kvalifikacija, proceduri imenovanja i razrješenja sekretara Općinske izborne komisije Novo Sarajevo, te donijeli odluku da će intervju sa prijavljenim kandidatima obaviti tročlana komisija sastavljena od članova OIK Novo Sarajevo. Uzimajući u obzir da je Izborna komisija, dana 13. februara 2024. godine uputila Službi za poslove Kabineta općinskog načelnika zahtjev za uređenje sekcije „Općinska izborna komisija Novo Sarajevo“ na službenoj web stranici Općine, a sve kako bi se ista učinila preglednijom, jednostavnijom i pristupačnijom za korištenje građanima općine, a imajući u vidu činjenicu da zaključno sa 24. aprilom 2024. godine, Služba nije postupila po zahtjevu, odlučeno je da se uputi urgencija za postupanje po zahtjevu. Izborna komisija je jednoglasno odlučila da se uputi urgencija za postupanje po zahtjevu za nabavku sefa za potrebe OIK- a.

Na sjednici su dogovorene naredne aktivnosti vezano za određivanje biračkih mjesta i usaglašavanje broja birača po biračkim mjestima u skladu sa Izbornim zakonom.

Politika javnosti i transparentnosti: Općinska izborna komisija podsjeća da je njen rad javan i transparentan, u skladu sa Izbornim zakonom, podzakonskim aktima Centralne izborne komisije BiH i Poslovníkom o radu Općinske izborne komisije. Informacije o aktivnostima Općinske izborne komisije redovno i blagovremeno se objavljuju na web stranici Općine Novo Sarajevo, dok su njene sjednice, u pravilu, otvorene za javnost.